

Broj: 101-1-5133 /25Datum: 02.12.2025.

Na osnovu člana 69. stav (1) tačka b) i člana 70. stav 4) Zakona o javnim nabavkama („Službeni glasnik BiH“, broj: 39/14, 59/22 i 50/24), a na preporuku Komisije za javnu nabavku broj: 170-5115/25 od 1.12.2025. godine rektorica Univerziteta donosi

## ODLUKU

### o poništenju postupka javne nabavke računarske opreme za LOT 2 – Nabavka računarske opreme za potrebe Ekonomskog fakulteta

#### I

Prihvata se Preporuka Komisije broj: 170-5115/25 od 1.12.2025. godine i poništava se postupak javne nabavke računarske opreme za LOT 2: „Nabavka računarske opreme za potrebe Ekonomskog fakulteta“, broj nabavke: 101-1-4332/25 od 16.10.2025. godine.

#### II

Ova Odluka objavljuje se na web stranici Univerziteta, [www.unmo.ba](http://www.unmo.ba) istovremeno sa upućivanjem obavještenja ponuđaču koji je učestvovao u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).

## Obrazloženje

Odlukom broj: 101-1-4332/25 od 16.10.2025. godine pokrenut je postupak javne nabavke računarske opreme putem otvorenog postupka.

Komisija za provođenje postupka javne nabavke računarske opreme, imenovana je Odlukom broj: 101-1-4333/25 od 16.10.2025. godine.

U skladu sa Odlukom o pokretanju javne nabavke ukupna procijenjena vrijednost nabavke bez PDV-a iznosi 30.200,00 KM, a predmetna nabavka je podijeljena na 4 lota. Procijenjena vrijednost nabavke za LOT 2 iznosi 8.700,00 KM bez PDV-a.

Obavještenje o nabavci broj: 66-1-1-153-3-75/25 objavljeno je na portalu javnih nabavki dana 24.10.2025. godine zajedno sa Tenderskom dokumentacijom broj: 101-1-4400/25.

U skladu sa Tenderskom dokumentacijom i obavještenjem o nabavci dana 14.11.2025. godine sa početkom u 10:00 sati održano je javno otvaranje ponuda. U predviđenom roku za prijem ponuda (14.11.2025. godine do 9:30 sati) zaprimljena je 1 (jedna) ponuda kako slijedi:

| Rb. | Broj protokola | Naziv/ime ponuđača (šifra) | Datum i sat prijema |
|-----|----------------|----------------------------|---------------------|
| 1.  | 180-4756/25    | NEUTRINO d.o.o. Tuzla      | 12.11.2025 u 11:32  |

**Ponuda ponuđača „NEUTRINO“ d.o.o. Tuzla je kompletna i prihvatljiva** i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.



Ukupna cijena ponude iznosi 8.700,00 KM bez PDV-a. Ponuđač nije dao popust na cijenu.

U predmetnom postupku donesena je Odluka o izboru najpovoljnijeg ponuđača broj: 101-1-4927/25 od 19.11.2025. godine, za LOT 2: „Nabavka računarske opreme za potrebe Ekonomskog fakulteta“, kojom se ugovor o nabavci robe dodjeljuje ponuđaču „**NEUTRINO**“ d.o.o. Tuzla, Klosterska 30, **75000 Tuzla**, u skladu s dostavljenom ponudom broj: I18-001-823/2025 od 7.11.2025. godine. Navedenom Odlukom je propisana obaveza ponuđača da dostavi dokaze u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), potvrđenih u Izjavi iz Aneksa 3 Tenderske dokumentacije u predmetnom postupku, u skladu sa tačkom 14.4. TD u roku od 5 (pet) dana od dana prijema Odluke o izboru najpovoljnijeg ponuđača.

Ponuđač „NEUTRINO“ d.o.o. Tuzla, je dana 19.11.2025. godine potvrdio prijem dokumentacije putem e-maila, te je Komisija konstatovala da u propisanom roku od 5 (pet) dana od dana prijema dokumentacije, nije dostavio dokaze u svrhu dokazivanja činjenica potvrđenih u Izjavi iz Aneksa 3 Tenderske dokumentacije u predmetnom postupku.

Obzirom da je ponuda ponuđača „NEUTRINO“ d.o.o. Tuzla bila jedina zaprimljena prihvatljiva ponuda u predmetnom postupku, a postupajući po preporuci Komisije za javnu nabavku, primjenom člana 69. stava (1) tačka b) odlučeno je kao u dispozitivu Odluke.

Stupanjem na snagu ove Odluke, Odluka broj: 101-1-4927/25 od 19.11.2025. godine se stavlja van snage.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 10 (deset) dana od dana prijema ove Odluke, u pisanoj formi direktno, putem pošte ili elektronskim putem, sve u skladu sa odredbama članova 99-105. Zakona o javnim nabavkama BiH.

REKTORICA

Prof. dr. Alena Huseinbegović



Dostaviti:

1. Ponuđaču „NEUTRINO“ d.o.o. Tuzla
2. Ekonomskom fakultetu
3. Arhiva javnih nabavki
4. a/a